

UNIVERZITET U TUZLI
Broj: 01-98-JN-9/22 LOT 5
Tuzla, 16.11.2022. godine

Na osnovu člana 69. stav 2. tačka e) i člana 70. stav (4) Zakona o javnim nabavkama BiH («Službeni glasnik BiH» broj: 39/14) te člana 65. stav (1) tačka r) Statuta Univerziteta u Tuzli broj: 03-730-1/17 od 03.02.2017. godine, a nakon razmatranja Zapisnika Komisije o pregledu i ocjeni ponuda broj: 01-98-JN-8/22 LOT 5 od 14.11.2022. godine po punomoći Rektorice Univerziteta u Tuzli broj: 01-2593-1/20 od 11.06.2020. godine, Direktor za ekonomske poslove donio je

ODLUKU **o poništenju postupka javne nabavke**

I

Poništava se Otvoreni postupak javne nabavke mlijeka i mliječnih proizvoda – LOT 5 za potrebe restorana Studentskog centra Univerziteta u Tuzli iz razloga što su cijene svih prihvatljivih ponuda znatno veće od osiguranih sredstava za predmetnu nabavku.

II

Ova Odluka stupa na snagu danom donošenja.

Obrazloženje

Univerzitet u Tuzli pokrenuo je postupak za izbor najpovoljnijeg ponuđača za nabavku mlijeka i mliječnih proizvoda – LOT 5 za potrebe restorana Studentskog centra putem Otvorenog postupka javne nabavke broj: 01-98-JN-2/22 LOT 1 – LOT 8 od 08.09.2022. godine objavljenom na Portalu javnih nabavki broj: 795-1-1-79-3-102/22 od 04.10.2022. godine, „Službenom glasniku BiH“ broj: 67/22 od 07.10.2022. godine i WEB stranici Univerziteta.

U ostavljenom roku ponudu su dostavila dva ponuđača „Bosna-Kom” d.o.o. Gračanica i „Redex” d.o.o. Banovići.

Analizom dostavljenih ponuda Komisija je utvrdila da ponuda ponuđača „Bosna-Kom“ d.o.o. Gračanica nije tehnički ispravna iz razloga što je ponuđač u sklopu svoje ponude za LOT5 na strani 151 u popunjenom Obrascu za cijenu ponude u koloni 5 umjesto Naziv proizvođača kod stavke pod rednim brojem 4. „Mlijeko u prahu (pakovanje 1kg)“ naveo Naziv pakirera „*pakuje: RIMA-PAK doo Zenica z.p. BiH*“, što nije u skladu sa traženim uslovima iz Tenderske dokumentacije. Naime, Ugovorni organ je u Obrascu za cijenu ponude u koloni 5 tražio da se navede „Naziv proizvođača“, a ne „Naziv pakirera“, što nikako ne predstavlja isto. Analogno primjenjujući stav Ureda za razmatranje žalbi BiH iz Rješenja broj: JN2-03-07-1-3563-10/21 od 13.01.2022. godine kojim su usvojeni žalbeni navodi žalioaca u navedenom smislu i donesen sljedeći zaključak: „*Nedvosmisleno se može zaključiti da Ugovorni organ ne nabavlja usluge pakovanja, već proizvod koji se pakuje i to se nikako ne može poistovjetiti. Primjenjujući član 57.stav (1) ZJN-a „U postupku javne nabavke kandidat/ponuđač pridržava se zahtjeva i uslova iz tenderske dokumentacije“, i „navedene firme nisu proizvođači, već izvršioци usluga pakiranja*“, te shodno tome Komisija smatra da ponuda ponuđača nije u skladu sa traženim uslovima iz Tenderske dokumentacije i kao takva se odbacuje kao tehnički neispravna.

Daljom analizom utvrđeno je da ponuda ponuđača REDEX d.o.o. Banovići formalno-pravno i tehnički ispravna ponuda, ali da znatno premašuje budžet koji je predviđen za navedenu nabavku. Tačnije, budžet za planiranu nabavku je 17.000,00 KM bez PDV-a, a ukupna cijena ponude ponuđača REDEX d.o.o. Banovići iznosi 19.790,60 KM bez PDV-a, što za 2.790,00 KM odnosno 14,10% prelazi planirani budžet.


Shodno navedenom Komisija je predložila Direktor za ekonomske poslove Univerziteta da donese Odluku o poništenju postupka javne nabavke iz razloga što je cijena prihvatljive ponude znatno veće od osiguranih sredstava.

Cijeneći izneseno te činjenicu da su u ovom postupku cijene svih prihvatljivih ponuda znatno veće od osiguranih sredstava Direktor za ekonomske poslove Univerziteta je u skladu sa odredbom člana 69. stav (2) tačka e) Zakona o javnim nabavkama BiH prihvatio preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se podnijeti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1.

Prilog: Zapisnik o pregledu i ocijeni ponuda broj:
01-98-JN-8/22 LOT 5 od 14.11.2022. godine

DOSTAVITI:
1x učesnicima
1x web site
1x a/a



DIREKTOR
ZA EKONOMSKE POSLOVE
Husein Matović
Husein Matović, dipl. oec.